



Broj: 05-04-45131-11-23
Sarajevo, 08.11.2023.godine

SKUPTŠTINA KANTONA SARAJEVO
- ovdje-

PREDMET: Odgovor na zastupničku inicijativu

Skupština Kantona Sarajevo je ovom Ministarstvu dostavila zastupničku inicijativu g. Adija Kalema sa Desete radne sjednice Skupštine Kantona Sarajevo, održane dana 25.10.2023. godine:

“Unaprijeđenje održavanja javne rasvjete u Kantonu Sarajevo (posebice kod obrazovnih ustanova)”

Ministarstvo komunalne privrede, infrastrukture, prostornog uređenja, gradenja i zaštite okoliša Kantona Sarajevo daje slijedeći Odgovor na Inicijativu.

Primjenjujući odredbe člana 10.c Zakona o javnim nabavkama BiH, Ministarstvo nije u obavezi da raspisuje javni poziv za usluge održavanja sistema javne rasvjete na području svih devet općina Kantona Sarajevo, već može ugovoriti poslove održavanja sistema javne rasvjete na području Kantona Sarajevo sa KJKP Park d.o.o. Sarajevo koje ima osposobljenu RJ Održavanje javne rasvjete.

Shodno navedenom, Zaključkom Vlade Kantona Sarajevo sklopljen je ugovor o održavanju sistema javne rasvjete Kantona Sarajevo na području svih devet općina Kantona između ovoga Ministarstva i KJKP Park d.o.o. Sarajevo za 2023. godinu.

Pokazatelji rezultata redovnog i sanacionog održavanja u deset mjeseci 2023. godine nisu očekivani i pokazuje se niz problema koji rezultiraju nezadovoljstvom građana i pravnih subjekata stanjem sistema javne rasvjete na području Kantona Sarajevo.

Za primjer, u oktobru 2023. godine izdato je 789 naloga za održavanje sistema javne rasvjete KJKP Park d.o.o. Sarajevo od strane ovoga Ministarstva. Neizvršeno je 408 naloga iz oktobra 2023. godine odnosno imamo izvršenje od 48%.

Sa 08.11. 2023. godine imamo ukupno neizvršenih **823** naloga od početka godine 2023.

KJKP Park d.o.o. Sarajevo - RJ Održavanje javne rasvjete je početkom 2023. godine ostala bez dva ključna zaposlenika na javnoj rasvjeti i ima manjak montera na terenu i nedostajuću opremu, tako



da nije mogla osigurati ažurnost u izvršavanju naloga za održavanje dobivenih od ovoga Ministarstva. Sa ovim trenutnim kapacitetima KJKP Park d.o.o. Sarajevo **ne može odgovoriti** redovnom i sanacionom održavanju sistema javne rasvjete Kantona Sarajevo.

Unaprijedenje procesa održavanja sistema javne rasvjete za slijedecu i naredne godine može da ide u tri pravca.

Prvi pravac je dodjela ugovora o održavanju sistema javne rasvjete KJKP Park d.o.o. Sarajevo manjeg obima, odnosno održavanje na području tri općine Kantona Sarajevo, te raspisivanje javnog poziva za ostalih šest općina Kantona Sarajevo.

Drugi pravac je jačanje kapaciteta KJKP Park d.o.o. Sarajevo - RJ Održavanje javne rasvjete sa potrebnim kadrovima i opremom i dugoročni ugovor o održavanju sistema javne rasvjete Kantona Sarajevo sa ovim Ministarstvom.

Treći pravac je formiranje zasebnog KJKP Javna rasvjeta koji bi preuzeo sve poslove održavanja sistema javne rasvjete Kantona Sarajevo.

Održavanje javne rasvjete uz obrazovne institucije je prioritet u ovome Ministarstvu. I redovno dajemo naloge za provjeru funkcionalnosti javne rasvjete u prilaznim ulicama osnovnih škola.

Treba napomenuti da vanjska rasvjeta u dvorištima obrazovnih institucija nije u sistemu javne rasvjete Kantona Sarajevo i samim tim nije u nadležnosti ovoga Ministarstva u pogledu redovnog i sanacionog održavanja iste.

S poštovanjem,



Dostaviti:

- Naslovu
- Evidencija
- Arhiva

